

דברים (פרק כו)

(ה) **וענית** ואמרת לפני ה' אלהיך ארמי אבד אבי וירד מצרימה ויגר שם במתי מעט ויהי שם לגוי גדול עצום ורב:

(יג) ואמרת לפני ה' אלהיך בערתי הקדש מן הבית וגם נתתיו ללוי ולגר ליתום ולא למנה ככל מצותך אשר צויתני לא עברתי ממצותיך **ולא שכחתי**:

דברים (פרק כו)

(א) והיה כי תבוא אל הארץ אשר ה' אלהיך נתן לך נחלה וירשתה וישבת בה:
 (ב) ולקחת מראשית כל פרי האדמה אשר תביא מארצך אשר ה' אלהיך נתן לך ושמת בטנא והלכת אל המקום אשר יבחר ה' אלהיך לשכן שמו שם:
 (ג) ובאת אל הכהן אשר יהיה בימים ההם ואמרת אליו הגדתי היום לה' אלהיך כי באתי אל הארץ אשר נשבע ה' לאבותינו לתת לנו:
 (ד) ולקח הכהן הטנא מידך והניחו לפני מזבח ה' אלהיך:
 (ה) וענית ואמרת לפני ה' אלהיך ארמי אבד אבי וירד מצרימה ויגר שם במתי מעט ויהי שם לגוי גדול עצום ורב:

(ו) **וירעו אתנו המצרים ויענונו ויתנו עלינו עבדה קשה:**

(ז) **ונצעק אל ה' אלהי אבותינו וישמע ה' את קלנו וירא את ענינו ואת עמלנו ואת לחצנו:**

(ח) ויוצאנו ה' ממצרים ביד חזקה ובזרע נטויה ובמרא גדל ובאותות ובמפתים:

(ט) ויבאנו אל המקום הזה ויתן לנו את הארץ הזאת ארץ זבת חלב ודבש:

(י) ועתה הנה הבאתי את ראשית פרי האדמה אשר נתתה לי ה' והנחתו לפני ה' אלהיך והשתחוית לפני ה' אלהיך:

(יא) ושמחת בכל הטוב אשר נתן לך ה' אלהיך ולביתך אתה והלוי והגר אשר בקרבך: ס

(יב) כי תכלה לעשר את כל מעשר תבואתך בשנה השלישית שנת המעשר ונתתה ללוי לגר ליתום ולא למנה ואכלו בשעריך ושבעו:

(יג) ואמרת לפני ה' אלהיך בערתי הקדש מן הבית וגם נתתיו ללוי ולגר ליתום ולא למנה ככל מצותך אשר צויתני לא עברתי ממצותיך **ולא שכחתי**:

(יד) לא אכלתי באני ממנו ולא בערתי ממנו בטמא ולא נתתי ממנו למת שמעתי בקול ה' אלהי עשיתי ככל אשר צויתני:

דברים (פרק כד)

יז לא תטה משפט גר יתום ולא תחבל בגד אלמנה: **יח וזכרת כי עבד היית במצרים ויפדך ה' אלהיך משם על כן אנכי מצוך לעשות את הדבר הזה:** ס יט כי תקצר קצירך בשדך ושכחת עמר בשדה לא תשוב לקחתו לגר ליתום ולא למנה יהיה למען יברכך ה' אלהיך בכל מעשה ידיך: כ כי תחבט זיתך לא תפאר אחריו לגר **ליתום ולא למנה יהיה:** ס

כא כי תבצר כרמך לא תעולל אחריו לגר ליתום ולא למנה יהיה: **כב וזכרת כי עבד היית בארץ מצרים על כן אנכי מצוך לעשות את הדבר הזה:** ס

דברים (פרק כח)

ס והשיב בך את כל מדוה מצרים אשר יגרת מפניהם ודבקו בך: סח **והשיבך ה' מצרים באניות בדרך אשר אמרתי לך לא תסיף עוד לראתה והתמכרתם שם לאיביך לעבדים ולשפחות ואין קנה:**

דברים (פרק כה)

יז **זכור** את אשר עשה לך עמלק בדרך בצאתכם ממצרים: **יה** אשר קרך בדרך ויזנב בך כל הנחשלים אחריך ואתה עיף ויגע **ולא ירא אלהים**:

יט והיה בהניח ה' אלהיך לך מכל איביך מסביב בארץ אשר ה' אלהיך נתן לך נחלה לרשתה תמחה את זכר עמלק מתחת השמים **לא תשכח**:

שמות (פרק יז)

(ז) ויקרא שם המקום מסה ומריבה על ריב בני ישראל **ועל נסתם את ה' לאמר היש ה' בקרבנו אם אין**:

(ח) **ויבא עמלק** וילחם עם ישראל ברפידם:

ספרי פרשת תבא (פיסקא ז)

ולא שכחתי. לא שכחתי מהזכיר שמך ולברכך:

דברים (פרק ח)

י ואכלת ושבעת **וברכת את ה'** אלהיך על הארץ הטבה אשר נתן לך: **יא** השמר לך **פן תשכח את ה'** אלהיך לבלתי שמר מצותיו ומשפטיו וחקתיו אשר אנכי מצוך היום: **יב** פן תאכל ושבעת ובתים טובים תבנה וישבת: **יג** ובקרך וצאנך ירבין וכסף וזהב ירבה לך וכל אשר לך ירבה: **יד** ורם ללבך **ושכחת את ה' אלהיך המוציאך מארץ מצרים מבית עבדים**: **טו** המוליכך במדבר הגדל והנורא נחש שרף ועקרב וצמאון אשר אין מים המוציא לך מים מצור החלמיש: **טז** המאכלך מן המדבר אשר לא ידעון אבתיך למען ענתך ולמען נסתך להיטבך באחריתך: **יז** ואמרת בלבבך כחי ועצם ידי עשה לי את החיל הזה: **יח** וזכרת את ה' אלהיך כי הוא הנתן לך כח לעשות חיל למען הקים את בריתו אשר נשבע לאבתיך כיום הזה: **יט** והיה **אם שכח תשכח את ה' אלהיך** והלכת אחרי אלהים אחרים ועבדתם והשתחווית להם העדתי בכם היום כי אבד תאבדון: **כ** כגוים אשר ה' מאביד מפניכם כן תאבדון **עקב לא תשמעון בקול ה' אלהיכם**:

דברים (פרק יד)

כב עשר תעשר את כל תבואת זרעך היצא השדה שנה שנה: **כג** ואכלת לפני ה' אלהיך במקום אשר יבחר לשכון שמו שם מעשר דגנך תירשך ויצהרך ובכרת בקרך וצאנך **למען תלמד ליראה את ה' אלהיך** כל הימים: **כד** וכי ירבה ממך הדרך כי לא תוכל שאתו כי ירחק ממך המקום אשר יבחר ה' אלהיך לשום שמו שם כי יברכך ה' אלהיך: **כה** ונתתה בכסף וצרת הכסף בידך והלכת אל המקום אשר יבחר ה' אלהיך בו: **כו** ונתתה הכסף בכל אשר תאוה נפשך בבקר ובצאן וביין ובשכר ובכל אשר תשאלך נפשך **ואכלת שם לפני ה' אלהיך ושמת אתה וביתך**: **כז** והלוי אשר בשעריך לא תעזבו כי אין לו חלק ונחלה עמך: **כח** מקצה שלש שנים תוציא את כל מעשר תבואתך בשנה ההוא והנחת בשעריך: **כט** **ובא הלוי כי אין לו חלק ונחלה עמך והגר והיתום והאלמנה אשר בשעריך ואכלו ושבעו למען יברכך ה' אלהיך בכל מעשה ידך אשר תעשה**:

דברים פרק כח

(מה) ובאו עליך כל הקללות האלה ורדפוך והשיגוך עד השמדך כי לא שמעת בקול ה' אלהיך לשמר מצותיו וחקתיו אשר צוך:

(מו) והיו בך לאות ולמופת ובזרעך עד עולם:

(מז) תחת אשר לא עבדת את ה' אלהיך **בשמחה** ובטוב לבב מרב כל:

דברים (פרק כה)

יז **זכור** את אשר עשה לך עמלק בדרך בצאתכם ממצרים: יח אשר קרך בדרך ויזנב בך כל הנחשלים אחריך ואתה עיף ויגע **ולא ירא אלהים**:

יט והיה בהניח ה' אלהיך לך מכל איביך מסביב בארץ אשר ה' אלהיך נתן לך נחלה לרשתה תמחה את זכר עמלק מתחת השמים **לא תשכח**:

רש"י דברים (כה:יח)

אשר קרך בדרך - לשון מקרה. דבר אחר לשון קרי וטומאה, שהיה מטמאן במשכב זכור. דבר אחר לשון קור וחום, צננך והפשירך מרתיחתך, שהיו כל האומות יראים להלחם בכם ובא זה והתחיל והראה מקום לאחריים. משל לאמבטי רותחת שאין כל בריה יכולה לירד בתוכה, בא בן בליעל אחד קפץ וירד לתוכה. אף על פי שנכזה, הקרה אותה בפני אחריים:

<u>אסתר (ז:ז)</u> ... ואלו לעבדים ולשפחות נמכרנו החרשתי כי אין הצר שוה בנזק המלך.	<u>אסתר (ג:ח)</u> ... ולמלך אין שוה להניחם.
<u>דברים (כו:מז)</u> (מז) תחת אשר לא עבדת את ה' אלהיך בשמחה ובטוב לבב מרב כל:	<u>דברים (כו:יא)</u> ושמחת בכל הטוב אשר נתן לך ה' אלהיך ולביתך אתה והלוי והגר אשר בקרבך: ס
<u>אסתר פרק ט</u> (כב) כימים אשר נחו בהם היהודים מאויביהם והחדש אשר נהפך להם מיגון לשמחה ומאבל ליום טוב לעשות אותם ימי משתה ושמחה ומשלוח מנות איש לרעהו ומתנות לאביונים:	